

影宋柳河東集

表 卷三十七之三十八

竹

卷之二十一

七

卷之二十一

七

河東先生集卷第三十七

表慶賀

禮部爲百官上尊號表

有尊號自古所無

始稱天皇中宗稱應天至明皇
遂有開元聖文神武之號自是
以爲法肅宗即位次年正月
加冊號代宗即位次年七月
臣遂上尊號至德宗即位次
正月即上尊號至憲宗立於
貞元年八月禮部百官當復
此議公是時尙爲禮部負外
故預作此表然公是年九月
爲邵州刺史繼貶永州司馬
元和三年憲宗方上尊號

臣某言伏以聖王之纂承天位也臣子必竭

忠誠獻尊號安敢為佞禮在其中一則以告

天地神祇二則以奉宗廟社稷三則以安華

夏蠻貊巍巍大稱其可廢乎臣等誠懼誠望

頓首頓首伏惟皇帝陛下協周文之孝德禮記

文王之為世子朝於王季齊大禹之約身孔子

言禹菲飲食惡衣服弘帝堯之法天論語惟

則之過殷湯之解網史記湯出見野張網四

入吾網湯曰嘻盡未踰周月四海將致於時

之矣乃去其三

雍俯及元正率土更欣於再造然神人之願
億兆之情有所不安率謂未盡善者以爲帝
德廣運而尊號猶闕郊廟備禮而祝嘏無詞
受福○嘏古雅切凡百兢懷華夷屬望臣謹按昔

臯陶之頌舜伊尹之頌湯皆臣子至公面揚
君父以敷於當代以播於無窮夫豈飾哉率
由事實帝王尊號蓋漸於此皇家光被四表
祖宗烈文詩烈文辟公時當大和尊號表德耳目
所接簡牘斯存稽之於前典則如彼考之於

聖朝則又如此

則一字無

今龜筮習吉

書龜筮習吉從卜不習

吉註云習固也

元正戒期當品物惟新之時乃皇王

大禮之日陛下郊天地饗宗祧

晉祖祧遠

陰陽

協和動植交暢不建至尊之稱

尺證切

恐違列

聖之心所以臣等冒死陳聞請上徽號伏惟

陛下小謙讓之節安延企之情特詔名儒禮

官百僚庶尹詳明故實議崇聖德則人望允

厭神心獲安山川效靈光贊無疆之壽祝史

陳信

左傳昭二十年其祝史祭祀陳信不愧

永彰不朽之功臣

等蒙國寵榮備位班列無任懇望之至

第二表

臣某等言臣等再陳丹懇謹獻鴻名天意未

從

意一作心

隕越無措臣某誠惶誠恐頓首頓首

謹按堯曰咨爾舜舜曰格爾禹湯曰吾自甚

武自號曰武王

出史記

則堯舜禹湯皆當時王

者之號也考皇帝之故實徵往聖之憲章允

協禮經煥乎圖牒伏惟皇帝陛下允恭克讓

約已謙尊參天兩地之功

易參天兩地而倚數

為而不

有安上理人之德

孝經安上治民莫善於禮

置而不論至

哉王言非羣下所仰望也然臣等伏以爲

號者所以類上帝

書肆類于上帝類祭名

饗祖宗萬人

所稱百蠻所仰表聖德於率土播天聲於無

疆臣下請之之謂禮帝王承之之謂孝孝大

於讓禮先於謙百王不刊之典安可得而廢

也臣等又以春秋本於五始

五始者謂元年春王正月公即

位是也漢書王褒傳又記曰共惟春秋法五始之要

元者一歲之首春

者四時之首王者受命之首正月者政教之

首郊天大禮者主極之首令天地交泰俯臨
元辰正始之美至當其運陛下確達羣願因
守謙冲此臣等所以兢惕失圖惴惴無措上
冒嚴憲敢逃厚責伏乞俯垂天聽察納微誠
詔禮官議臣所請按日推禮詩按之以日作
虔奉鴻休盡敬於此猶恐天光未照至獻無
徵彷徨闕庭伏待斧鑕無任聳望之至

禮部賀冊尊號表

一本無禮部字古

部賀冊尊號表非也憲宗元祐
三年初加尊號書聖武皇帝

至元初四年七月丙午
聖文神武皇帝加冕
禮部已奏稱州刺史表
禮部表也當題云柳州
表

臣某伏奉月日制
元和十四年七月
受尊號率土臣子慶抃無窮臣聞立極之大
四海無以報神功配天之尊萬物不能崇聖
德唯有徽號是彰中興所以上探天心下極
人欲伏惟元和聖文神武法天應道皇帝陛
下統承千載光被六幽盡賊盡除

子音福應皆集有首有趾咸識太平勲臣增爵

祿之榮戎士加賞延之寵片善必錄微功盡

昇獨惟聖謩事絕酬答萬國缺望也缺望怨望

穴二切窺睡百功怨思作百功合是以啓元和之盛

典延穹昊之景祚理歷凝命實曰聖文和衆

定功時惟神武運行有法天之用變化乃應

道之方鬼神協謀夷夏同志大禮旣建鴻恩

遂行歡呼遠匝於九圍一作帀帝命滲漉普

周於八裔○滲所禁所錦慶超遂古美冠將

來臣獲守蠻荒

公時為柳州刺史

遠承大典潢汙比

陋河清幸遂於千年

文選運命論黃河清而聖人生註黃河千年一

清塵壤均微山呼願同於萬歲

漢武帝元封元年禮祭中

嶽太室吏卒咸聞呼萬歲者三

無任屏營之至

為京兆府請復尊號表三首

此為德宗作也

下為耆老等請復尊號表二首皆同蓋公為藍田尉時作

臣某言某月日諸縣耆老某等若干人詣臣

陳狀辭意迫切以陛下尊號未復請詣闕上

表者人心已鬱安可久違天意實勤諒難固

拒撫狀感悅深契微誠臣某誠懇誠迫頓首

頓首伏惟皇帝陛下聖神之功貫於天地文

武之道超乎古今

建中元年正月丁卯朔羣臣上尊號曰聖文神武皇帝

帝興元元年正月癸亥朔詔中外書奏不得言聖神文武之號盛德愈大而

謙光益深玄化已成而徽號未復遂使神祇

觖望

音缺

人庶怨思

一作深

沐浴鴻澤者敢懷

晷刻之安捧戴皇恩者不知寢食之適負媿

懷憤萬方一心日日以冀

一作日月

遂淹星歲況

今地不愛寶

禮記地不受其寶

致百穀之豐穰天惟

降衷

書惟皇上帝降衷于下民衷善也

呈衆瑞而繁委污萊

瘠鹵之地

鹵鹹地

混成大田

詩大田多稼

草木蟲獸

之微

一作鳥獸一作蟲魚

化爲神貺萬靈垂鑒昭然甚

明此而不從臣所大惑矧又兵戎永戢夷狄

咸懷

一作夷夏懷柔

昭然長春

昭一作煦

樂以終日

以一作只

是以耆老等深感聖育踴躍不寧上奉天恩

跼蹐知懼

音局跼蹐

頓顙闕下

頓一作啓

願復鴻名

不謀而同無期而至此皆上玄幽賛以誘其

衷列聖垂靈以悟其意臣以爲陛下當敬于

斯旨不可忽也臣又伏以陛下賞功與能舉
賢出滯小言不廢片善是褒豈可使臣子之
效雖微而必旌君父之德盡美而無稱凡在
覆載一有孰不兢懼四字不勝懇倒惶恐之至
一作惶恐
言一作恐悚謹封耆老等狀奉表昧死陳請以聞謹

第二表

一本云此第二表闕此表乃下為耆老等請復尊號第三

表也

京兆府長安縣耆老臣石靈等言

靈一作靈徒濫切

伏奉墨詔批臣所請復尊號

一作批答臣等云云

未蒙

允許者捧對惶遽不知所裁天實命之於臣
何有臣等誠懇誠懼頓首頓首臣聞聖君以
奉天爲心不以執謙爲德以順人爲大不以
崇讓爲優今陛下深拒天人之誠猶懷謙讓
之道臣等愚惑未知所歸且百祥荐臻特表
昊穹之睠五穀蕃熟用彰后土之勤億兆嗷
嗷籲天請命

書無辜籲天註籲呼也

上下交應幽明同

心舉而違之臣所未識況臣等共被仁育同

臻大和陛下德達上玄以豐臣之衣食道躋
壽域以延臣之歲年沐浴皇風二十餘載兒
童感化鰥寡知恩故臣等出鄉之時歡呼遍
野閭里勉臣以不進不止妻孥誓臣以不還
不歸唯竭血誠退無面目便當隕首闕下終
不徒還伏惟陛下照臣懇迫之情一作哀臣
羸老之命臣等不勝嗚咽慙恨之至謹奉表
陳請以聞

第三表